

四庫全書

史部

欽定四庫全書

史部

欽定南巡盛典卷四十三

詳校官編修臣汪鏞

欽定四庫全書

欽定南巡盛典卷四十三

河防

乾隆二十九年四月十三日江南河道總督高晉  
奏言竊臣由徐州至清口查勘黃河各廳工程料  
物前經恭摺奏

聞伏查清口為淮黃交匯之區清口以上宿桃等廳專  
受黃水自清口東壩以下則淮黃合流計程二百

餘里至雲梯闕迤東歸海比年來臣仰遵

皇上聖訓將清口東西壩預為啟拆大加展寬俾湖水暢流東注不致由五壩旁洩業已著有成效惟下游山海二廳以二瀆之水合為一河兼以伏秋盛漲或遇海潮相抵每致水勢平堤拍岸工程險要臣前於荆山橋工次據山安海防廳營稟北岸之五套南岸之陳家浦近日溜勢趨逼漸次坐灣將成頂冲入袖之勢舊有土堤卑矮單薄請估幫高

厚添築魚鱗越堤方能抵禦估需工料銀二萬餘  
兩臣隨于查工時親赴各該處往來周歷細加察  
勘如雲梯關之內南岸阜寧縣馬起營等工北岸  
安東縣佃湖等工均屬逼近城垣更多民舍村庄  
凡迎溜頂沖之處所謂尺地必爭自應將現有埽  
壩工程加謹防護隨時修築堅實以資鞏固至雲  
梯關以外南岸至灶工尾北岸至六套俱係蘆葦  
蕩地離海甚近即間有樵採漁戶散處其間亦遷

徙無定是以舊制本無堤岸因一望平灘水勢易於散漫曾設卑矮土堤約攔水勢與雲梯關內緊要堤工形勢迥別每年汛水長發海潮倒漾出槽漫灘內外皆水無關緊要自應不與水爭地無事生工檢查舊案乾隆十年南岸陳家浦漫溢因海灘土性浮沙椿埽旋築旋塌不能施工直至水落掛淤填土補築其北岸五套於乾隆十八年及二十五年亦經兩次漫灘過水旋即掛淤並無妨礙

今若因溜勢坐灣乃復添築越堤勢必又將卑矮  
土堤加幫高厚修築埽工昔年之陳家浦前車可  
鑒不特虛糜錢糧而海灘地面埽工難期穩固實  
屬無益臣與淮揚道吳嗣爵率同各廳營詳加相  
度再四講求陳家浦五套二處與其築堤束水致  
生新工不若讓地與水以順其性查現在黃河距  
堤尚有八九十丈以至一百二十丈不等此時可  
以緩辦將來伏秋汛內再看刷崖情形如溜勢仍

然兜灣向裏則舊有卑薄土堤不必加幫亦不必  
添築魚鱗越堤只須預于舊堤上首另做斜長子  
堰一道俾地勢展寬約攔漫灘之水使之滙歸正  
河暢達入海而所築子堰夫工約估需銀不過數  
千金即在該二廳歲搶修庫貯內撥節辦理毋庸  
另請錢糧如此則山海二廳雲梯關下游既可  
致生工而清口東西壩每年大加拆展湖水滙黃  
歸海尾閘寬濶於就下之勢益資暢達矣奏入



上諭曰覽奏俱悉餘有旨諭

乾隆二十九年五月十九日江南河道總督高晉

奏言竊臣接准

廷寄欽奉

上諭朕前歲南巡在徐州閱視河工見北岸有隄身單薄高晉奏稱應行放淤培護先挑倒勾引河俟應放時放淤等語今閱時已久未見該督摺奏及此其曾否相度籌辦並現在該處情形若何著傳諭高晉可

即詳悉具奏欽此臣跪讀之下仰見我

皇上垂念河防工無鉅細莫不時厯

宸衷

臣

伏查徐屬宿虹廳之黃河北岸夏家馬路一工

係在運河縷隄外正當黃河頂冲築做壩臺鑲埽

保護縷隄與壩臺兩相交峙中隔二三十丈全是

坑窪深塘工程素稱險要臣從前協辦河務時曾

與前河臣白鍾山以放淤相商事未果行乾隆二

十七年春恭逢

聖駕南巡

親臨閱視談工隄身單薄經臣將談處應行放淤培護  
先挑倒勾引河俟水長時相機放淤之處面奏請  
訓仰蒙

聖鑒俞允臣於跪送

聖駕回鑾後即赴談工相度將工頭工尾應開進水出  
水倒勾引河如法辦竣然放淤必待黃河水勢盛  
長開放始克有濟是年伏秋汛內黃水盛長兩次

開放後計澄淤五六尺至八九尺不等臣於該年

奏報查勘徐屬各工情形附摺聲明未經尚摺具

奏上年臣於勘辦春工時復將該處倒勾引河挑挖

修整迨伏秋黃水盛長又經疊次開放因工長四

百四十餘丈尚未一律淤成本年臣督辦徐州荆

山橋河往返該工查勘數次詳加測探現在上段

長一百餘丈下段長九十餘丈已澄淤八九尺不

等通身坑塘亦俱墊平惟中段計長二百丈許止

澄淤二三四尺仍須設法接續辦理未便使其功  
虧一篑隨與道廳參遊等再四講求細心籌計查  
放淤引河形取倒勾是以進水勢緩工頭則水過  
淤停工尾則倒漾之水淤亦易積惟中段所過之  
水沙停兩頭積淤甚少今應於該工中段磨盤埽  
迴溜處另挑倒勾引渠一道俾黃水自中段引入  
由上下兩頭分流而出則中段進水停淤必多可  
期與兩頭所澄之淤一律相平庶隄埽培護堅厚

工程得資鞏固現在督飭廳營照此辦理臣原擬  
今年夏秋放淤工竣恭備明春

鑿輅經臨奏請

皇上閱視今奉

諭旨垂詢所有臣歷年相度籌辦並談處現在情形理  
合繪圖貼說詳悉具

奏奏入報

聞

乾隆二十九年五月二十七日山東巡撫崔應階  
奏言竊臣因直隸全漳歸衛東省沿河州縣及直  
屬下游一帶恐致漫溢已照表日修所奏將四女  
寺壩口支河展寬一十二丈以資分洩並將沿河  
兩岸堤堰勸民加高培厚辦理完竣臣往來查勘  
如沿河之武城縣境內地勢最窪運河東岸有沙  
河一道遇伏秋雨多臨清夏津等處坡水皆由沙  
河匯注武城之牛蹄窩祝官屯一帶為東岸運堤

所隔不得入運常至淹浸民田雖牛蹄窩舊有涵洞因地勢外高內低運河漲發反至倒灌民間每年加築護堤俟秋後運河水消開堤洩水民田方得消涸又武城縣境內運河西岸有蔡河一道西通黃潞河遇伏秋雨多則上游臨清並直隸清河等處坡水俱由黃潞河蔡河匯注武城之馮家灣為西岸運堤所隔不得入運浸灌民田每年亦俟秋後運河水消開堤洩水臣查武城東西兩岸坡



水不能入運民間每年秋後開堤春間堵築出於萬不得已且時堵時開堤不堅固運道攸關任民開挖恐失緩急機宜况開堤之處水勢旁刷每年以數十萬之土冲入運河多費撈濬臣與布政使梁燾鴻運河道李清時濟東道尹嘉銓履勘詳籌擬於東岸之牛蹄窩祝官屯西岸之馮家灣等三處各建石閘一座設板啟閉遇運河水大則下板以防倒灌深秋水落則啟板以消積潦較之開堤

顯有節制內如馮家灣坡水甚盛一閘不足以資  
宣洩擬將閘門展寬分為兩空中設礮心開槽下  
板則水勢得以暢洩以上三處閘座除將牛蹄窩  
舊有涵洞甲馬營舊有廢閘選舊石可用者湊用  
外其應添工料飭令據寔確估另取估冊咨報於  
耗羨項下動用似此辦理庶得大消坡水直東民  
田均免淹浸又免民間每年開堤有悞運道似屬  
一勞永逸之事臣謹會同河臣葉存仁恭摺

奏明並將該處情形繪圖貼說恭呈

御覽奏入

諭如議行

乾隆二十九年九月十九日江南河道總督高晉  
奏言竊查宿虹廳屬夏家馬路放淤工程伏汛內  
新淤尺寸業經臣繕摺奏蒙

聖鑒交秋以來黃河水勢節經加長臣又兩次飛飭該  
廳營等如法開放旋據廳營稟報該工中段業已

淤平應否接續辦理請示到臣茲臣前赴上游徐屬查工隨親至該處逐一履勘查該工計長四百四十餘丈從前自兩頭進水上段一百餘丈下段九十餘丈兩年來已澄淤八九尺不等中段之二百餘丈只澄淤二三四尺本年伏汛內改由中段進淤雖又增淤二三尺然較兩頭所澄之淤尚少一二尺今秋汛內又經兩次進淤二三尺已與兩頭一律淤平測量現在淤高水面三尺是當日埽

後深塘已成平地從此頂冲要工得有後靠化險  
為平臣復再四相度該工淤高水面三尺雖已著  
有成效然而淤益高則工益固自應接續辦理以  
期一勞永逸臣隨面交該管廳營督率兵夫在新  
淤中間接挑溝槽寬以一丈深以三尺為率枕起  
之土分鋪淤面並將上中下三道倒勾引渠如式  
修整目下秋汛未過若遇水長仍可進淤即或水  
不再長亦可為明歲伏秋放淤之計臣並在工上

下看定安設馬頭地方明春

翠華南幸屆期敬謹預備恭請

聖駕臨工閣視若得仰蒙

指示臣更知有所遵守矣奏入報

聞

乾隆三十年二月十三日江南河道總督高晉奏

言本月十二日恭逢

聖駕親臨閱視清口木龍工程荷蒙

聖明指示應于四架木龍迤下與陶庄積土相對之處  
再添木龍一架庶挑溜更為有力大溜全歸北岸  
則陶庄積土自可冲刷淨盡以收清黃並流之效  
臣遵卽測量地勢蒙

皇上指示之處在四龍迤下相隔一百九十丈正與北  
岸陶莊積土緊對應遵

旨卽於該處添建木龍一架擬長五十丈挑溜全趨北  
岸寔屬有益除現在委員核寔確估辨料俟料物

到齊僭辦務於伏汛前完竣奏入

上是之

乾隆三十年二月十四日兩江總督尹繼善江蘇  
巡撫莊有恭奏言據協辦大學士陳宏謀奏請將  
常鎮二府港汊圩園責成司道大員前往查勘有  
阻塞破損者疏濬培補其通江尾閘如孟河之類  
如有淤塞大加挑挖期於有蓄有洩奉

旨俟到江南時交該督撫查辦欽此准軍機處移交到



臣等竊照農功必藉乎水利而水利之興修全在  
溝洫流通圩隄堅固方足以資灌溉而衛田疇伏  
查江南一省恭逢我

皇上疊舉時巡盛典

翠華所過指示機宜如徐海淮揚一帶河道溝渠俱大  
發帑金次第疏濬並於工竣之後督率民力每年  
歲修不使稍有淤塞其蘇松太等處前歲亦經

奏明將淞江婁江河道一體開濬現在宣洩以時旱

澇有備豐亨屢慶成效可稽至常鎮二府地土寬  
平河流坦易本不至如淮揚蘇松各郡之低窪惟  
是地近江邊潮汐往來不無淤沙停積如鎮江府  
之城河臣等已于上年飭令該道府勸諭紳士設  
法開疏報驗竣工又如金壇縣之運河亦據該縣  
紳士呈議集費經臣等批准定於今歲農隙築埧  
大挑原俱仰體

聖主重農興利至意量民之力因天之時次第辦理今

據陳宏謀所奏皆屬應辦之事臣等伏查該二府支河汊港圍蕩堤塘所在皆有向俱民間自為經理但恐心力不齊彼此諉卸自應官為督辦至通江尾閘如孟河之類淤塞年久工煩費重非可苟且圖功且東作將興大江以南民勤力作屆期即刻無寧畧斷不能即時興工臣等擬請先委常鎮道督同常鎮二府親往各處逐一查勘分別先後舉行如支河汊港圍蕩堤塘坍塌淤滯工費無多

者即立督各業佃坊期挑挖培固至通江尾閘如  
孟河之類應大加挑濬者先測量高下淺深工費  
需用若干諭令民間公司議辦或一時民力難於  
集費則酌借公帑分年徵還俟查明之後再另委  
大員覆勘分定段落預選紳耆多派官員先定規  
模俟本年農隙齊力大舉務期節節疏通農田永  
賴以仰副

聖懷奏入

諭依議行

乾隆三十年三月二十八日江南河道總督高晉奏言切查徐州豐碭廳毛城舖原設碎石滾壩為宣洩黃水盛漲之水啟閉機宜最關緊要乾隆二十七年恭逢

聖駕南巡臨徐閱視北門外誌椿水勢仰蒙

睿謨廣運因時制宜欽奉

諭旨毛城舖迤東之唐家灣引河視徐城水誌長至一

丈一尺五寸以上開放宣洩俟漫灘水落即行堵閉  
仍令督撫河臣於按誌應放時一面奏聞一面辦理  
欽此 臣敬謹遵守二十七八兩年伏秋汛內徐城  
水誌加長逾誌將唐家灣草埧依時啟閉二十九  
年未經漫灘唐家灣亦未開放俱經臣先後具摺

奏

聞臣數年以來留心察勘該處從前漫灘係在唐家灣  
迤下二十七年漫灘正對唐家灣引河二十八年

漫灘又在唐家灣迤上察其所以上下無定之故  
蓋漫灘一次則河唇必高仰數寸以至尺餘不等  
水性就下乘低而漫理勢固然惟是唐家灣漫灘  
形勢既已自下而上河崖袤延二三十里地方廣  
濶若聽其自然不加修治將來漸徙漸上正與蔣  
家營傅家窪等處逼近恐過水較多致有掣溜之  
虞臣查毛城鋪下游灘河每年秋汛後如有淤墊  
俱經勘估挑濬今唐家灣引河外灘既因沙淤高

仰自應比較

欽定徐城水誌尺寸將該處河灘新淤浮沙剷去一過  
水長逾誌即開放唐家灣引河以資宣洩方合機  
宜臣于上年冬間親往查勘督飭道廳將該處河  
灘新淤測量剷平地勢高下悉仍其舊總以徐城  
水誌為準似於節宣下游減洩盛漲均有裨益奏  
入報

聞



乾隆三十年四月十三日河道總督李清時山東  
巡撫崔應階奏言竊查德州城外衛河因西方菴  
形勢偏趨城垣受險于乾隆二十七年十一月內  
經前河臣張師載前撫臣阿爾泰會同

奏明在於對岸魏家庄挑挖引渠長四百九十五丈  
分洩溜勢嗣因新挑引渠河身窄狹開放之後舊  
河內西方菴險工仍不能盡除又經前河臣張師

載

奏明將舊河口門堵築攔河大壩令全流悉歸引渠  
冀其冲刷寬深臣等屢至其地逐一勘驗舊河原  
寬三十五六丈今引渠僅口寬十二三丈引渠兩  
崖全係膠淤兩年以來水勢不能冲刷現在口底  
寬深仍與原挑丈尺不相上下伏查衛河之水匯  
合汶漳每至伏秋大汛勢甚浩濶在河面較寬之  
處尚慮出槽盈岸今以十餘丈之引渠承受全衛  
之水咽喉既束勢必益增其漲上年汛水安瀾至

此處因引渠窄狹水勢擁高浸及攔河壩上竭力  
搶護始保無虞此其明驗也查舊河現寬三十五  
六丈若將引渠大加展寬與上下舊河一律水勢  
非不以下達而核計土方銀兩需費較多若開  
壩分水不加約束則舊河勢順溜復偏趨險仍未  
除臣等公同商酌可否將攔河壩挑開酌留舊河  
口門二十丈聽其分流壩之兩頭用草柴裹護并  
於西方卷頂冲迎溜之處修築挑水草壩以挑溜

勢其舊日埽工酌量應修之處相機辦理庶水勢分行俾得有節制舊河內不致盡吸全河之水而迎溜之處復有壩工挑護河流暢順于河道城垣均屬有益奏入報

聞

乾隆三十年九月二十六日大學士管兩江總督尹繼善等奏言竊照常鎮二府港汊圩圍通江尾閘前據協辦大學士陳宏謀奏請修培挑挖經臣

等議奏先委常鎮道府查勘如支河港汊圍蕩堤塘坍塌淤滯工費無多者應督業佃尅期挑挖培固至通江尾閘應大加挑浚者諭令民間公同議辦或一時力民難以集費酌借公帑分年徵還奉旨依議欽此當即飭委該道府逐一詳查確勘茲據常鎮道陳大化等勘明該二府通江尾閘支河汊港多屬深通圍埂堤岸亦俱完固其武陽宜荆四縣縣界之南運河暨金壇丹陽兩邑交界之七里橋

河冬令水涸均有淤淺現據各該縣士民按田集費自行興挑外惟常州府屬武進縣之孟瀆德勝兩河南通運道北達大江關係數邑水利蓄洩民田萬頃咸資灌溉綠吐納江潮流沙停積河身淤墊亟須築壩大加挑濬孟瀆河計長一萬五百餘丈約估工價銀三萬一千九十餘兩德勝河計長六千六百餘丈約估工價銀二萬二千七百五十餘兩其孟瀆河旁舊有小河一道分流入江較正

河近便直捷潮退盡由小河洩瀉正河水緩沙停  
易致淤墊應于小河分流處添建石閘一座責成  
小河司巡檢同孟河舊閘一並管理依時啟閉使  
潮退全歸正河以免停沙壅滯所有建閘工料約  
估需銀五千六百九十兩零通計孟瀆德勝兩河  
挑浚建閘共約估工料銀五萬九千五百四十餘  
兩工費浩繁民力一時難以措辦據武進陽湖兩  
縣士民呈請借動公項于今冬築壩分段備辦按

兩邑田畝驗派分作四年徵還又鎮江府屬丹陽縣之九曲河亦係通潮濟運灌溉田疇年久淤塞應行挑濬計河長九千五百餘丈內有橋閘坍塌均須修整共約估工料銀一萬三千七百九十餘兩據該縣士民呈請借項于今冬興挑按照沾用水利田畝驗派分作三年完繳詳報到臣等查常鎮二府屬孟瀆德勝九曲三河均係通江尾閘攸關水利農田今既年久淤塞自應一律挑濬深



通以資宣洩灌溉現在行司遴委幹員于秋深水  
涸時再行詳細覆勘核寔一面選擇誠寔士民分  
派段落酌定章程於冬間興舉勒限完竣其孟瀆  
河添建閘座一並選擇紳士購料承修仍遴委諳  
練河員分段督催責成道府隨時稽察工竣委員  
驗收務期處處如式工歸寔在惟是三河所需工  
料多至七萬數千兩民力不齊仰懇

聖恩俯准於司庫公項銀內借給備辦仍按所借銀數

丹陽縣分作三年徵還武進陽湖二縣分作四年  
徵還庶民力稍紓大工得以尅期告竣數邑水利  
農田永資利賴億萬民人感沐

隆恩於靡既矣奏入

諭如所議行

乾隆三十年十月十四日河道總督李宏山東巡  
撫崔應階奏言竊臣等接准乾隆三十年七月初  
五日

廷寄欽奉

上諭前因微山湖蓄水過多過夏秋漲溢之時瀕湖窪地每多淹浸經崔應階等奏請宣洩微湖以誌一丈為度於韓庄添建新閘以殺其勢並挑荆山橋以暢其流辦理以來漸著成效今歲南巡回鑾時舟行所經詢悉該處情形知瀕湖窪地近多涸出農田耕作有資但湖水暢消既久瀦蓄未充亦恐艱于濟運事難兩利深厘熟籌今據楊錫紘奏稱湖內之水須存

一丈二尺用至五月八閘底水尚可得四尺餘寸足  
供挽運若止存一丈則五月八閘底水止存二尺六七  
寸重運難以進行請交山東河撫二臣將現在各處  
出水口門地勢高下水勢深淺尺寸與湖口滾水壩  
是否相等及可否量改水誌之處確切定議如水誌  
難以議改或將湖口以下至頓莊閘數十里河底一  
律挑深五尺以為調劑等語所奏于漕渠轉輸自有  
裨益但水誌改加二尺於低窪地畝有無妨礙及挑

深河底是否可行著崔應階同李宏李清時詳悉確  
勘定議具奏期於漕運民田均得利賴可將此傳諭  
知之楊錫紱摺並抄寄閣看欽此臣崔應階接奉

諭旨後即于九月十四日自省城起程前至濟寧會同  
臣李清時馳赴韓左等處臣李宏亦于十九日到  
工隨會同悉心相度詳加籌議遵查濟魚等處向  
因徵湖水大不能消掣致淹民田上廬

宸衷屢荷

聖慈欽差大臣會同河撫諸臣勘籌妥辦加意疏消近年以來積水暢洩歲獲有秋臣等細查水誌濟魚濱湖地勢高于滾壩無幾如消水至一丈濟魚民地方能播種若將滾壩加高二尺則濱湖地畝未免浸淹歷冬及春未能速涸越至次年舊水未消新水又至民田消涸寔屬難期惟是漕運民生均關緊要不得不反覆籌熟如漕臣所稱八閘水勢至五月止存二尺六七寸正值天晴日久上源放

水過弱之際誠為不足查現在湖水深九尺九寸  
時屆蓄水入湖湖口雙閘未經啟放而目下八閘  
運河之水現存四尺五寸不等即最淺之處亦有  
二尺臣等探量湖水現高於運河水面二尺餘寸  
來春開放雙閘河淺處可有五尺餘寸之水應查  
微湖濠壩每月消水六寸重運經行約有三月之  
久除消水一尺八寸迨江廣重運入境尚可存水  
三尺四五寸江廣船身重大三尺餘寸之水實難

浮送臣等再四圖維將滾壩內磯心每空安砌石  
槽設立板片如今歲水小之年加板攔束多收一  
尺設遇陰雨連綿水勢日增即將所下板片盡行  
啟除俾得及時暢洩至于八閘河底多係砂礮難  
於開鑿若自湖口以下至頓庄五六十里悉行挑  
深五尺不特工力浩大糜費帑金而且韓庄以上  
運河亦恐抽掣過甚反至淺阻惟應將八閘運河  
確加勘估不必拘定五尺之數凡有新經淤墊沙



泥盡行估挑務至舊時河底而止如此則水小之年滾壩之上既經加水一尺八閘河底又復挑深於漕臣增水二尺之數儘可相符而濟魚民地亦不致有浸淹之患矣至于各處支河出水之口如小梁山內華山蘭家山伊家河等處較量河底俱低于滾壩今既于該壩設板攔水所有各處水口應悉堵閉以俟應行宣洩之時立即啟放臣等再查韓庄以下地勢西高東窪勢若建瓴所以舊制

於數里之內建閘至八座之多原欲節節閘攔以資儲蓄年來因江南泃口貓兒窩等處間有淺澁不得不亮八閘之板以為接濟之用督臣高晉覆奏漕臣條奏案內已將盧口亂石壩拆寬五丈沂河之水得以引導入運而江南河定河清河成等閘與山東八閘毗連亦可以下板臣李宏已飭令管閘官員照山東八閘之例會牘啟閉其泃口貓兒窩淺澁之處逐一測量于冬底流濬一律深通

是運河水勢來路增多而山東八閘既無虞淺阻  
而江南邳州一帶足資浮送有餘矣臣等凜遵

聖訓周詳因時斟酌惟在洩所當洩蓄所當蓄務期民  
田無淹浸之患漕渠無淺澁之虞庶幾仰副我

皇上重農利漕至意添設滾壩石槽閘板及疏濬八閘  
所需銀兩即在運河道節省項下通融辦理毋庸  
另請錢糧奏入

上諭曰所議甚妥依議行

乾隆三十年二月二十四日河道總督李清時奏  
言竊照德州城外西方菴運河逼近州城兜灣迎  
溜年年修做埽工所費不貲乾隆二十七年經原  
任河臣張師載陞任撫臣阿爾泰來往勘籌會同  
奏明在於對面魏家庄改挑引河一道以免城垣之  
險復將舊河口堵築令全流悉歸引河彼時籌辦  
之初原寬十二三大深與舊河一律足資糧艘冬  
春運行俟伏秋水盛使兩崖自行刷寬因年來漳

衛水勢未經盛漲河底雖較舊河刷深而兩崖俱  
係膠泥未能大刷嗣經調任河臣李宏以新河窄  
狹水盛之時恐不能吞納全河于三十年四月內  
奏請將所築舊河大壩仍行挑開鑿做挑水壩裹頭  
復將西方菴埽工附請鑿做各在案臣來往勘工  
見該處自開挑舊壩以來水勢旁分恐冬春水弱  
運河未免淺濫且舊河既已開通伏秋水長西方  
菴等埽工仍須年年修做以衛城垣臣查此段運

河自西南直射西方菴折而東北形如灣月該處  
運堤外臨大溜內跌深潭情形備極緊要當年創  
挑引河以免城垣受險最為妥協惟原挑河身未  
免過於窄狹再三熟籌仍當將舊河大壩照舊堵  
截其河身窄狹之處再加展寬與上下舊河約畧相等  
核計土方共需銀三千餘兩細為核算西方菴及  
挑水壩兩畧頭歲有搶修所費亦三千餘金今展  
挑引河需用之銀不過搶修之數一年一經告成

不獨該處堤工可以化險為平德州城垣可以永  
資保障西方菴等各埽工亦可以永停修做至估  
需銀兩仍在運河道屬歲搶項下通融動用毋需  
另請司庫錢糧除確核細數造冊送部外所有臣  
籌辦情形謹繕摺恭

奏奏入報

聞

欽定南巡盛典卷四十三



欽定四庫全書

欽定南巡盛典卷四十四目錄

河防十

欽定四庫全書

欽定南巡盛典

名  
姓  
年  
月  
日

第  
十  
四  
號

欽定四庫全書

欽定南巡盛典卷四十四

河防

乾隆三十二年二月十四日河東河道總督李清  
時山東巡撫崔應階奏言東省運河上年伏秋汎  
內河坡並漲臣李清時自豫省防工回東勘辦事  
宜案內即經

奏明將徒駭馬頰二河逐加疏濬捕河廳屬之三空

橋落低展寬臨清磚閘月河挑挖深通奉到

硃批好如所議行欽此臣等隨即委員自龍魏灣閘壩以下河頭起至海豐霑化等縣入海河尾止循流

測量淤淺阻礙段落逐一估計臣崔應階業經嚴

飭各府州縣照依本管地界督勸民夫乘此春融

農隙實力疏濬其三空橋落低展寬工程臣李清

時亦經勘核形勢機宜改為五空落低三尺按照

成規據實確估計需工料銀六千七百餘兩動撥

司庫銀兩委員購料興工僱辦至臨清磚閘月河  
已於去冬小挑運河案內節省可緩之工通融挑  
挖如式深通從此河坡水勢多添暢洩之路水有  
所歸於運道民田似有裨益惟查臨清地處下游  
磚閘月河為汶河入衛尾閘而衛汶之水性本湍  
悍渾濁伏秋長發時設汶力不足以相抵即致灌  
入停淤必須於洩汶之中更求禦衛之策臣等伏  
思月河臨時築壩堵閉固可免於倒灌第汶衛二

河水勢長發靡常倘一時先後並漲則月河之壩甫經堵築以禦衛水又需開放以洩汶流開閉不時不特糜費錢糧且恐辦理不及致失機宜所關匪細臣等率同運河道姚立德相度情形確加籌畫應於月河上口修建單閘一座設板啟閉若遇汶強衛弱則啟板宣洩如遇汶弱衛強則閉板抵禦庶隨時應手節宣有備臣等又查東阿縣境內運河東岸平水三閘於乾隆十九年修建又五空

橋一座建自前明於乾隆二十七年改修落低均  
係保固限外工程上年伏秋汛內汶河水發及沙  
趙二河之水同時並漲該處橋閘過水甚大激傷  
磯心并衝掀跌水面石塊掏空底土多成坑塘亟  
應照舊修整備資宣洩以上添建單閘并修整橋  
閘甘闕運河水利應辦之工臣等搏節確估共計  
需銀五千一百餘兩亦請動撥司庫銀兩及時趕  
辦務於汛前完竣實有裨益奏入報

聞

乾隆三十二年三月初六日河東河道總督李清  
時奏言東省運涵二廳所屬南陽以下運河西岸  
碎石堤工係漕船挽緯之路最關緊要先於乾隆  
二十一年間因江省徐州黃河北岸孫家集一帶  
刷成溝槽奪河內灌南陽昭陽微山等湖受水益  
多以致緯道沉沒水底湖河一片澎湃汪洋官民  
船隻至此非風莫渡視為畏途臣在運河道時隨



同前河臣張師載前撫臣阿爾泰屢次相度幾費  
經營既作通緯之計復為經久之圖仿照竹絡碎  
石壩之製師其意而變通其法

奏明在於水勢深澗之處兩面簽下管石排椿內填  
碎石上加頂土其微露堤形止係湖面受險者則  
簽一面管石排椿內砌碎石加築土頂土截分別  
籌辦較之簽椿下埽及疊砌大石費省數倍工程  
可資堅固計堤長一萬餘丈估銀十四萬餘兩仰

蒙

聖主洞徹機宜

俞允所請發帑興修尅期完竣十年以來內河外湖長  
隄限隔糧艘商民得資繚挽永免風濤之危險時  
頌浩蕩之

鴻恩惟查前項碎石工程水中填砌全賴水面排樁管  
定始得整齊高厚而樁木因歷年已久土漚水泡  
難免朽腐斷折石無樁管土隨石卸不特河中有

觸舟之患抑且坍卸日甚碎石沉失工費較多臣  
帶同運河道姚立德細加查驗分別估計除水內  
工段樁木間有損缺尚能管石一二年不即坍缺  
者暫緩補修其有乾地內坍卸碎石可以無須再  
築排樁者止令額夫檢石安砌不給工價以節錢  
糧外惟運河廳屬田家單閘起至徐家營房止工  
長二千九百餘丈泇河廳屬葛墟店起至郝山上  
下止工長一千五百餘丈湖河相夾兩面皆水大

段損缺排椿工石坍卸現在全無隄頂殘缺過甚  
情形緊要臣隨點明應補排椿確核砌石加土工  
價共計需銀二萬餘兩應請動支司庫銀兩照舊  
補修如式以期運隄永固緯挽有資理合將現在  
情形恭摺具

奏奏入

諭如所議行

乾隆三十七年三月十五日河東河道總督姚立

德山東巡撫徐績奏言兗州府屬濟寧一州為汶泗府洸牛頭等河之水匯歸之區每遇伏秋汛漲易致淹及民田上年六七月間大雨時行河湖坡水並漲自石佛以下汪洋瀰漫勘報成災蒙我皇上念切惻癯發帑賑濟今春又沐

隆恩加賑被災窮黎感激

鴻施淪肌浹髓其被淹處所去冬運河水落即經臣等督飭地方河員設法疏消積潦之地始得及時春

耕但其受災之由不得不講求經理以除後患臣  
姚立德往來運河熟察情形臣徐績曾任濟寧州  
知州河坡源流竟委曾經留心今自戴村壩驗收  
挑沙工程于三月初一日至濟寧會同詳勘參以  
輿論固湖堤而通去路有急應辦理之工庶使諸  
流歸宿有資可冀減除水患臣等查南旺一湖週  
圍九十三里坐落汶上嘉祥濟寧三州縣境內地  
居上游適當汶河之衝每年收蓄汶水入湖濟運

湖之圍堤向係民修雍正九年及乾隆十二年曾經動帑幫培已歷二十五載近年以來雖撥民夫擇要加修無如道里綿長現在殘缺卑矮之處甚多湖波撞激險要堪虞必須一律培築高厚以資保衛又運河之西有牛頭河一道上承宋家窪及各州縣諸坡之水下達昭陽湖舊有馬公橋一座係魚臺縣驛路所經計長五百一十八丈橫亘南陽昭陽兩湖之間下設橋洞統計僅寬二十三丈

牛頭河入湖之水來源盛而東其咽喉往往壅滯  
難消不特濟寧西坡受漫淹之患即金鄉魚臺二  
縣亦並波及自應多添橋洞加寬十丈並將廣運  
莊以下河湖淤淺抽溝導引俾上游之水捷趨昭  
陽湖則濟寧西坡水患可以減除矣臣等又查運  
河之東有泗河一道源出泉林至濟寧之魯橋入  
運名為魯橋派向因泗水下流董家口屢被衝缺  
日刷日深勢難抵禦于乾隆十四年間即在該處



修建石壩一座減洩漲漫之水由孟家橋以達獨  
山湖旁分一股由貫家灣之西出興隆橋仍會泗  
水入運緣壩身過高水因壩阻每遇水勢漲發泗  
河下遊宣洩不及壅滯停淤輒于董家壩上游溢  
入東坡又寧陽縣之石梁口小腿灣等處汶水漫  
堰入洗至濟寧城北頂阻府河之水漲滿難容亦  
多旁溢東坡民田屢被淹浸運河東堤亦深受其  
害臣等現將石梁口等處民堰飭縣堵築將來汶

水自可無慮入洗核計土方有限不須請動錢糧  
其董家口地方在當日建壩之時泗水分洩有備  
意非不善惟是今昔情形不同泗水南趨轉為石  
壩所累自當從長計議務求萬全但與其疏濬舊  
泗河身紆迴窄狹道遠土多需費浩大不若拆除  
董家口石壩展寬孟家橋舊石橋疏浚馬坡以下  
入湖尾閘俾水大之時直達獨山湖免致旁溢東  
坡春間水小即於孟家橋以下築一土壩攔截仍

由興隆橋濟運事半功倍則泗水歸宿有資濟寧  
東坡水患可以減除矣臣等隨率同道府廳州逐  
加核估所有修堤疏淤拆展橋壩共計需銀二萬  
三千餘兩臣等伏思此等工程原係民間自為修  
理若請動帑項轉啓愚民推諉游惰之漸而該州  
縣災歟之後現在蒙

恩加賑責其及時興修民力實有不能合無仰懇

皇上天恩俯念工程緊要暫借司庫銀二萬三千兩容

臣等委員承修勒限完竣仍于汶上嘉祥濟寧魚臺等州縣分作三年隨同地丁錢糧按數徵還歸款庶帑項不致虛懸工程得收實益奏入

諭如所議行

乾隆三十八年九月二十二日河東河道總督姚

立德奏言竊臣前自豫省回濟當經

奏明料理運河事宜因查各湖水櫃攸關來年漕運最為緊要臣已將應蓄應洩緣由先行籌酌恭摺

具

奏茲一月以來臣率同運河道陸燿上下細加查勘  
今歲伏秋汛內汶泗府洸沙趙等河水勢疊次長  
發南入微山湖為歸宿北由大清河以達海故運  
河之水隨長隨消并無騰湧之患惟運河廳內南  
旺分水口以裏向有何家石壩一座分洩汶水由  
劉老口入運前次水發時該壩過水較大沖塌壩  
身幾奪沒流全勢北注經臣飛飭該管廳員備修

稽草壩工藉資攔截查此壩減洩汶漲實為運道之關鍵所修草壩不過暫護一時塌損石壩亟宜拆修堅固又南陽以下臨湖邵家徐家二單閘馬家三空橋以及洳河廳屬之夏鎮六里二閘或沖掀地平石塊蟄裂金門或牆石塌卸不能下板蓄水以上各工臣現在親督道廳點驗舊石酌添新料確核估計容俟估定再行分案

題請興修此外尚有官堤民埕被水汕刷殘缺應行

培築整齊並各湖進水支河沙淤淺澀應行挑濬  
深通處所臣俱嚴飭廳印各官撥集人夫乘時上  
緊僱辦以節錢糧目下回空糧船未過濟寧者祇  
有二十二帮若連檣入境約計九月內即可全數  
過完今歲運河輪屆大挑臣俟糧船過竣即將應  
挑淤淺分頭委員確估熟籌妥辦奏入報

聞

乾隆四十年六月二十七日河東河道總督姚立

德奏言山東運河下游八閘數十里借微山湖之水灌輸接濟其南自韓莊北迄臨清計程六百七十餘里全賴蜀山馬踏南旺馬場等湖蓄水充裕方足濟運無悞而諸湖之中蜀山湖湖面寬濶地居上游貼近汶河滙注便捷歷來收水較別湖多三四尺尤關緊要每年糧艘經臨啟金線利運二閘放水入運以濟船北行上年八月內欽奉

訓諭令臣于常規之外多蓄數寸以備雨泉之不足仰



見

聖明籌畫至善永當奉為法守臣敬謹遵行加意收蓄本年

正月月底開壩起至五月中旬將各湖之水次第啓

放宣注數月餘已有明驗臣近日率同運河道陸

燿探量湖面寬長道里遠近水勢深淺尺寸念蓄

瀦以多多為善庶接濟可源源不匱第察看湖堤

頗多單薄難持之處與該道細為講求欲圖保安

經久之策惟有固其攔蓄之堤岸以為瀦水無虞

地步該處湖堤西首臨運一面內湖外河南首一面係沮洳窪地形勢均屬喫緊當冬月挑河之時運河乾塘舉鋪一遇北風奔騰撞激勢若排山雖隨時搶護得保平穩而每歲如此究非常法今遂加經度西南地勢既就卑小又適當風浪之衝應從孫村起至季家路口止分別頂險次險估修石戩保護其間原有舊石工草工並沙山高阜處不必估計外就現在堤身陡窄水勢較深處所酌擬

修砌石工堤根平順水勢稍淺處所擬辦碎石坦坡以免多費仍各加高頂土二尺共估石工六百七十七丈碎石坦坡長一千六百六十四丈連加高土工約計需銀二萬餘兩其自李家路口至蘇家橋一帶均係民埝地形漸高且在湖之東北風浪較小照例督勸民夫用土帮培高厚以資一律所需工料土方銀兩查河北道兗沂道庫均存有節省八束一欸原係留為河工別項工程之用今

應即于此款內動支毋庸另請錢糧臣謹繕摺具  
奏並繪圖貼說恭呈

御覽如蒙

俞允臣于重運過完湖水暢放濟運存貯底水無多之  
候一面委員辦料興工將底盤先為趕緊築起不  
悞收蓄一面確估造冊具

題奏入

上諭曰好應修築者但須實工實料毋滋冒銷之弊可

也

乾隆四十一年六月初六日兩江總督高晉河道

總督薩載奏言竊臣薩載前於東省

行在面奉

諭旨以吳嗣爵奏黃河兩腮淤高中間構槽窄狹洪湖  
運河亦因連年黃水倒灌致有淤墊現在清口開挑  
引河係帶水撈挖恐於事無濟又聞海口亦復沙淤  
令臣薩載到任後察看實在情形會同高晉悉行籌

酌如何能使黃水暢流不致倒灌分晰奏覆等因欽  
此遵於三月二十七日到清江任事時因臣高晉

在省查辦事件臣薩載遵

旨先赴黃河海口上下察看將勘過實在情形繪圖貼  
說於四月十八日恭摺奏蒙

聖鑒茲臣高晉於五月初二日到淮與臣薩載公同講  
論悉心籌議并考之書誌康熙八九年間黃河海  
口積沙成灘橫亘二十餘里相傳為攔門沙其時

黃河即從東北紆迴入海前河臣董安國乃創築  
攔黃大壩另開馬家港口改易舊制轉致去路不  
暢上游易潰康熙三十八年將攔黃大壩盡行拆  
毀堵塞各處決口東水攻沙仍由故道入海即今  
之大通口是也八十年來黃水滔滔東注並無阻  
遏惟查該處潮汐往來海水黃水交接之處淤沙  
勢所不免而日積月累兩岸接生淤灘南岸遂有  
新淤尖尖頭洋之名北岸有二泓三泓四泓之名

現今海口距從前之王家港地方已有四十餘里之遙灘勢逾長海口逾遠水勢散漫口門計有二三百丈至一千數百丈之寬若來水湧盛湍急海水原可由淺刷深祇以近年來黃水時有倒灌以致通湖引河淤墊引河既已淺阻則清水不能暢出清江淮安一帶之運道俱有停沙並清口以外之黃河兩腮亦有淤高且上年秋間豐碭南岸之丁家集外灘民埝刷塌溜往南趨黃水從毛城鋪



浚壩旁流幾至奪溜為患徐州以下銅沛邳睢宿  
虹桃源黃河又未免水緩沙停此海口與黃河運  
河洪澤引河先後淤墊之實在情形也臣高晉在  
工二十餘年歷經黃流倒灌河道停沙由通而淤  
由淤而通或淤在上而下游淺阻或淤在下而上  
流壅盛一年之內通塞靡常數載之中變遷莫定  
不但海口茫茫萬頃無可施工即黃河內東坍西  
長東長西坍欲加疏治亦無良策今臣等凜遵

聖訓再四講求惟有將清口以內之通湖引河沙停淤  
淺人力可施處所設法挑挖使清水暢出清口與  
黃水匯流東注并力刷沙則黃水不濬自深海口  
不疏自治歷年臣高晉

奏明辦理雖未能一勞永逸此即補偏救弊之一法  
也本年二月內臣高晉自京回南欽奉

諭旨引河甚有關係

命臣高晉上緊勘籌疏治彼時湖水較大難以煞壩挑

挖當與吳嗣爵面加商定凡水深五尺以上者毋庸辦理其水深四尺以下者接續疏浚恭摺

奏覆欽奉

硃批覽奏俱悉欽此查現在洪湖誌椿存水一丈零八寸五道引河普面漫灘無可施工但臣等會同測探五道引河內淺者已在六尺以外深者俱有一丈一二尺不等就目下情形而論清水力足抵黃自可無虞倒灌惟查向年通湖五道引河俱各深

至二三丈不等奔騰暢注抵禦黃流是以鮮有倒灌之事而湖水旋長旋消高埵誌椿每到冬令水落之候存底水無多蓋騰空湖面以為伏秋水發容納之地也今則年終誌椿存水九尺有餘此即湖水未能暢出之明驗湖水不能暢出遇黃水盛漲時力不相抵必致有倒灌之慮一經倒灌則引河復淤非特不能攻刷淤沙即黃運兩河之淤墊又所不免矣臣等再四熟籌並採訪輿論必須於

冬春湖水消落引河灘現時照依各引河寬長丈  
尺兩頭煞壩大加挑挖並將清口東西壩基址移  
下一百六十丈在於平成臺之處建築使清水源  
遠流長出口之勢有力再清口之西所建各架木  
龍原以挑溜北趨冀刷陶莊積土使黃水不致逼  
近清口之意歷年以來陶莊積土雖已刷去大半  
著有成效但積土根基凝結驟難盡刷臣等相度  
形勢若於陶莊迤上積土之北開挖引河一道使

黃水遠北下注相距清口較遠清水益得暢行至周家莊而後會黃東注不獨可免倒灌之虞而二瀆並流合力攻刷則黃河兩腮浮淤以及海口積沙均可漸次刷深下游深通暢達則黃河上游流行迅疾並可不致停淤且洪湖無壅遏之病即埽圻磚石工程亦得常資穩固惠濟祠之埽工更可化險為平如此一舉數善備焉所謂治淮即以治黃捨此別無良法但目下湖水普漫而出引河為

水所佔難以煞壩估挑而時將伏汎黃水方在加  
長陶莊溜勢情形不定引河頭尾未能遽為定準  
今就臣等勘籌愚昧之見先行繕摺覆

奏並繪圖貼說恭呈

御覽如蒙

俞允容臣等於本年霜降水落後再行察看情形相機  
酌定隨時奏

聞辦理總期清黃併行東注暢達歸海上下黃河漸次

刷深海口淤墊一律通順洪湖引河及淮揚運河  
永無倒灌之弊庶幾仰副我

聖主慎重河防殷殷訓誨之至意奏入報

聞

乾隆四十一年七月十六日兩江總督高晉河道  
總督薩載奏言竊臣等會議覆

奏察看海口無阻籌辦治淮即以治黃各情形一摺  
奉到



硃批此奏皆合機宜形勢是治淮黃一大關鍵屆時妥  
為之欽此摺內請俟通湖引河灘現時照依各引河  
寬長丈尺兩頭煞壩大加挑挖向上奉

硃批此係治本之論宜實力為之欽此又摺內將清口  
東西壩基址移下一百六十丈在於平成臺之處  
建築使清水源遠流長出口有力向上奉

硃批好欽此又擬於陶莊迤上積土之北開挖引河一  
道使黃水繞北下注相距清口較遠清水益得暢

行向上奉

硃批此亦一法勉為之欽此並於圖內奉

硃批將所圈處放一大樣貼說來庶便觀覽此時尚未

興工正可相商也欽此臣等跪讀之下仰見我

皇上指示周詳

訓勉殷切臣等自當仰體

聖心於霜降水落後察看水勢情形實力妥辦以收實

効伏念淮黃闕鍵全在清口而東西壩仰蒙

聖明指授機宜視湖水之大小定拆展之限制實為永  
遠遵守不易之章程現在壩工因每年頻拆頻築  
歷歲已久壩底不能剷挖淨盡或為柴土壅塞或  
為倒灌淤積壩根朽腐拆築未能應手以致積水  
不能暢出今若移下一百六十丈在於平成臺地  
方建築遵照

欽定限制以時蓄洩並將舊壩基址剷除淨盡使清水  
源遠流長則出口之勢可期得力然不將通湖引

河挑挖深通仍恐有名無實現今潮水較大高撿誌椿已長至一丈一尺以上尚未能奔騰暢出皆由各引河河身及湖邊積淤阻碍所致今湖邊一片汪洋稀淤寬廣難以施工疏治惟有將各引河於冬春水落時兩頭煞壩大加挑挖引河若深則湖水建瓴而出再將湖邊稀淤隨勢撈浚更可掣刷深通暢達引河矣至西壩一帶逼近黃河自建設木龍以來挑溜東行淤出灘面寬自一百四五

十丈至三百三四十丈不等甚為有益然遇黃水甚長之時大溜直射惠濟祠由祠前迴溜倒灌流入清口此一帶雖經修有磨盤埽壩攔禦而黃流勢盛仍屬無濟臣等今擬在於陶莊迤上積土之北開挖引河一道至周家莊會清東注俾清黃並流入海既可越過惠濟祠遠避清口倒灌之路而周家莊迤下兩岸灘面尚寬離堤較遠相距中河口門尚有三百五十丈溜向東趨形勢較順引河

挑竣仍擬在於河頭對岸第三架木龍處做一挑水壩挑溜全歸引河更為有益統俟本年霜降水落歸槽容臣等察看形勢一面確估興工一面詳細奏

聞總期清黃並流東注暢達歸海既免黃水倒灌之虞復藉清水刷沙之益所謂治淮即以治黃庶可仰副我

聖主慎重河防之至意臣等謹遵

旨繪具大樣圖說並將原奉

硃批奏摺圖說一併恭

繳奏入報

聞

乾隆四十一年九月初三日兩江總督高晉河道

總督薩載奏言竊臣等於本年六月十八日具

奏清口機宜繪放大樣圖說恭呈

御覽一摺茲賫摺人回奉到

硃批已有旨了欽此摺內清口壩工壩工因每年頻拆  
頻築歷歲已久壩底不能刨挖淨盡向上奉

硃批此係向來辦理不善應責成原辦之人也欽此又

圖內奉

硃批引河覺窄應加寬欽此並接准乾隆四十一年七  
月初三日欽奉

上諭高晉等奏覆開挑黃河周家莊引河一摺並展畫  
大圖貼說進呈朕披覽圖內所繪引河形勢尚覺太



窄已於圖內批示從來河不兩行既經開挑引河則黃水大溜即應由引河行走必須開挖寬深方能引溜全注細閱貼說但稱計長一千零五十丈而於寬深丈數均未奏及恐高晉等因省費起見是以不肯開寬朕念切愛民凡有關民間利病及捍衛保障之事從不稍為靳費况此項引河為黃河緊要關鍵若果能開放深通使黃流不致停淤清水得以暢出實為最善之舉即多用帑金亦所不惜但須核實經理

耳國家籌辦要務若行之有益縱數逾鉅億亦不為多若為而無成雖費僅千餘亦屬虛擲即如近日征勦兩金川用至六七千萬而大功既成足為一勞永逸之計不得謂之糜費此其明效大驗也著高晉等悉心籌度將擬開之引河一律挑挖寬深其引溜處尤宜寬展使正溜易於趨注高晉等即將河身擬挑寬若干丈較現在河身幾分之幾底深若干於圖內詳悉貼說覆奏再圖說內稱俟引河開就應於對岸

另築挑水壩挑溜引注新河等語朕意似可將第四木龍畧移向上在硃圈記出之處安置便可借以挑溜但未知能得力否又就圖內河流形勢而論新開引河似可再移向上於第二木龍對岸徑直開下似更便捷該督等或因彼處大溜趨勢尚未甚急恐不能引流直注如建瓴之勢是以欲於稍下施工抑或可照朕所指量為移上否並著高晉等一併詳加勘度據實覆奏至摺內據稱東西兩壩因每年頻拆頻

築歷歲已久壩底不能刨挖淨盡或為柴土壅塞或為倒灌淤積以致清水不能暢出請將舊填基址刨盡以期清水出口得力等語此係向來辦理不善所致已於摺內批示展收清口實為緊要機宜自應將壩根刨淨使無壅滯停淤方為妥善何竟草率從事若此歷任承辦之人均難辭咎朕此時亦不將伊等治罪所有現擬刨挖舊壩基址之費即著落乾隆二十七年以後原辦之歷任總河及該管河道按年分

賄以示懲儆將此傳諭高晉等知之欽此臣等跪讀  
之下仰見

聖主洞悉機要燭照靡遺

訓示周詳無微不至並於懲儆之中寓寬恤之

恩不勝感悚交集伏查清口黃河北岸陶莊迤上擬開

引河一道使黃水繞北下注相距清口較遠清水

益得暢出行至周家莊而後會黃東注以期二瀆

并行合力攻沙海口刷深通順前此會勘時因黃

水方在加長陶莊溜勢情形不定引河頭尾未能  
遽為定準雖經聲明俟本年霜降水落後再行察  
看情形相機酌定

奏辦而前摺及貼說均未定以寬深丈尺圖內所繪  
引河形勢又過於窄狹實屬臣等疎漏以致上  
煩

睿慮今蒙

明旨訓誨臣等悉心籌酌將來開挑引河誠如

聖諭必須一律挑挖寬深其引溜處尤宜寬展使正溜  
易於趨注中心欽服莫可名言臣等隨督同淮揚  
道松齡副將徐建功叅將李永吉遊擊劉德等前  
往該處上下相度測量現在河身寬一百四丈就  
目下情形酌擬引河河頭挑寬四十丈河身挑寬  
三十五丈河尾挑寬三十丈較現在河身三分之  
一其引河底擬挑深一丈至一丈五尺不等使河  
頭有吸川之形河尾有建瓴之勢以期引溜全趨

至新開河頭欽奉

諭旨再移向上於第二龍對岸徑直開下不但河口上  
迎亦且溜行便捷較前擬河頭更為順利臣等俱  
見未及此今蒙

聖明指示實當敬謹遵循其新河以外正河之內向來  
溜勢順行一時欲其舍舊趨新必當籌畫盡善乃  
能得濟茲仰承

垂詢將對岸第四龍畧移向上在於



硃筆圈記之處安置查歷來木龍沿灘斜紮原可挑溜  
開行惟河面寬濶今於移建木龍之外仍須於對  
岸築做挑水壩則兩重挑逼自更得力容臣等於  
霜降水落時覆勘核實確估另行奏請

聖訓辦理至於清口壩基歷年未能刨挖淨盡本係向  
來辦理不善所致歷任承辦之人實難辭咎乃蒙  
皇上不加嚴譴令將現擬刨挖舊壩基址之費即著落  
乾隆二十七年以後原辦之歷任總督及該管河

道按年分賠更屬格外

鴻慈查現擬創挖舊壩基址細加核算所費不過二千餘兩在於歷任各院道名下按年分賠為數無多尚不足以示懲自應將乾隆二十七年起至四十一年現今止節年折撥壩工共費過銀一萬三千六百餘兩一併著落歷任各院道按年分賠以為添補將來築壩應用則咸知辦理不善之戒矣所有臣等欽奉

諭旨詳加籌度情形謹繕摺覆

奏並另繪新圖貼說同原圖恭呈

御覽奏入

上諭曰覽奏俱悉屆時更當妥為之

乾隆四十一年十月初二日兩江總督高晉河道

總督薩載奏言竊臣等前因黃河海口上厯

宸衷於本年五月內遵

旨公同籌議繪圖會摺覆

奏緣海口無可施工惟治淮即以治黃請將清口以內之通湖引河於水消灘現時兩頭煞壩大加挑挖清口東西壩基址移下一百六十丈在於平成臺之處建築使清水源遠流長出口有力並請將清口黃河北岸陶莊迤上開挖引河一道使黃水繞北下注相距清口較遠清水益得暢出行至周家莊而後會黃東注俾二瀆並流合力攻沙以期海口刷深通順緣由欽奉

硃批此奏皆合機宜形勢是治淮黃一大關鍵屆時妥  
為之欽此並蒙

聖明遠照屢頒

諭旨令將引河一律挑挖寬深其引溜處尤宜寬展使  
正溜易於趨注河頭再移向上於第二木龍對岸徑  
直開下似更便捷等因欽此茲查東西壩基址先因  
湖水消落即於八月初旬開工移建趕緊接做前

已附摺奏

聞至通湖引河此時湖水尚存九尺三寸俟將來灘現  
時細勘確估另行

奏辨其陶莊以上引河此時黃水消落形勢已定臣  
等隨率同淮揚道松齡及副叅遊等詳加相度恪  
遵

皇上訓示確切估計引河共長一千零六十丈河頭估  
寬四十丈深一丈河身估寬三十五丈深一丈二  
尺五寸河尾估寬三十丈深一丈五尺連移紮木

龍及估築挑水攔水等壩共需銀八萬五千六百餘兩該處引河分委裏河同知席萇外河同知汪田山陽縣知縣金幼溥署清河縣知縣姚一元四股承挑擇於九月十六日開工僱辦其築壩等工委令副將徐建功叅將李永吉遊擊劉德等辦理以專責成俟引河將次挑完動工僱做務期妥協如式以收實效奏入報

聞

乾隆四十一年十月二十一日河道總督薩載奏  
言竊照江南黃運湖河前屆霜降水平工穩業經  
會摺奏

聞茲查前月中旬以來黃水又加長一尺九寸徐城誌  
椿連前長至一丈一尺三寸豐碭南岸唐家灣引  
河尚未堵閉毛城鋪過水三尺三寸邳州宿遷一  
帶運河因東省大泛口雨後發水匯歸下注又長  
水二三尺不等洪澤湖內上游正陽關淮河於九



月二十一起至二十八日共長水六尺七寸下

注洪湖高堰誌樁亦陸續加長四寸連前長至九

尺七寸各處工程臣又嚴飭道將廳營加緊巡查

防護勿以霜降已過稍有懈怠清口東西壩為全

河最要關鍵前因湖水消落三尺七寸臣即於

奏明移建之處趕緊築築東壩連壩基已築成三十

六丈西壩連壩基已築成二十九丈口門尚寬二

十一丈現在清水尚旺出口有力直抵至惠濟祠

後彭家馬頭會黃東注臣察看情形目下東西壩  
工已令停辦俟將來再看水勢消落若何如應收  
束隨時相機接築另行奏

聞其陶莊引河上塵

宸衷前大學士督臣高晉會同臣

奏報銅沛廳屬南岸韓工放淤平穩情形一摺奉到  
硃批知道了此猶小喜若陶莊引河成而溜走北實  
大喜朕誠望之爾等於何時興工何時放溜也欽此


臣  
跪讀之下實深謹凜並將

諭旨宣示工員莫不勇往奮勉前項引河自九月十六日開工以來實力備挑已挑有二三分工程臣仍與道將等往來督催上緊趕辦務於冬底一律完工與大學士督臣高晉會同驗看相機放溜慎重料理以期迅速成功上慰

聖懷至各處水勢現在據報黃河內已消水一尺一寸運河內亦消水一尺三四寸上下各工均屬保護

穩固回空漕船渡黃南下者已有二千八百餘隻  
逆行無滯奏入報

聞



欽定南巡盛典卷四十四